

“TASDIQLANGAN”
“KAFIL SUG'URTA” AJ
Boshqaruv raisi F.A.Artikov
2024-yil 5-yanvar

SHAHARLARARO YO'NALISHDA QATNOVCHI AVTOBUS YO'LOVCHILARINI BAXTSIZ HODISALARDAN EHTIYOT SHART SUG'URTA QILISH BO'YICHA OMMAVIY OFERTA

Ushbu Ommaviy oferta (bundan buyon matnda Oferta deb yuritiladi) **“KAFIL-SUG'URTA” AJ** ning (bundan buyon matnda Sug'urtalovchi deb yuritiladi) noma'lum doiradagi jismoniy shaxslarga (bundan buyon Sug'urta qildiruvchi deb yuritiladi) yullangan quyidagi sug'urta shartlarida sug'urta shartnomasini Sug'urtalovchining axborot tizimlari vositasida tuzish taklifi bulib hisoblanadi. Sug'urtalovchi va Sug'urta qildiruvchi shartnoma taraflaridir.

Mazkur Oferta shartlarining qabul qilinishi va shartlashilgan sug'urta mukofotining to'lanishi uning shartlarini akseptlash hamda Sug'urta qildiruvchining Sug'urta shartnomasini tuzishga roziligi bo'lib hisoblanadi. Sug'urta qildiruvchi tomonidan sug'urta mukofoti to'langanligi fakti tasdiqlanganidan keyin unga elektron sug'urta polisi yuboriladi va Sug'urta shartnomasi tuzilgan deb hisoblanadi.

O'zbekiston Respublikasi Fuqarolik kodeksining 370-moddasiga muvofiq Oferta shartlarining qabul qilinishi mazkur Oferta shartlarini so'zsiz qabul qilingan deb hisoblanadi va u bilan quyidagilarga rozilik ifodalanadi:

- mazkur Oferta shartlari, jumladan unda bayon qilingan sug'urta shartlariga rozilik;
- arizani to'ldirishda ko'rsatilgan shaxsga doir ma'lumotlar bilan sug'urta faoliyatini amalga oshirish maqsadida avtomatlashtirilgan yoki avtomatlashtirilmagan tarzda ishlov berish yuli orqali 5 yil muddatga ishlashga, jumladan ularni yig'ish, tizimlashtirish, to'plash, saqlash, aniqlashtirish, ulardan foydalanish, ularni egasini ko'rsatmaslik, bloklash, yo'q qilishga (yo'q qilish haqida xabar qilmagan holda), shuningdek sug'urta shartnomasini bajarish, ichki hujjat aylanmasini ta'minlash maqsadida uchinchi shaxslarga ularni berishga rozilik.

Sug'urta qildiruvchi Sug'urtalovchining internet resursi vositasida Sug'urta shartnomasini tuzish natijasida o'z huquqi va muomalaga layoqatligini tasdiqlaydi, shuningdek o'z zimmasiga yuklatilgan majburiyatlar yuzasidan javobgarlikni anglaydi.

Sug'urtalovchining internet resursida onlayn tarzda Sug'urta shartnomasini tuzish uchun Sug'urta qildiruvchidan uning elektron pochta manzili (agar bor bo'lsa) va mobil telefon raqami mavjudligi talab qilinadi.

Sug'urta qildiruvchi tomonidan Sug'urtalovchining internet resursida Sug'urta shartnomasini tuzish uchun zarur va muhim bo'lgan barcha ma'lumotlarni kiritish Sug'urta uchun ariza bo'lib hisoblanadi.

Sug'urtalovchi O'zbekiston Respublikasi Fuqarolik Kodeksining 933-moddasiga muvofiq sug'urta sirini saqlashga javobgar bo'ladi. «Oferta», «Sug'urta shartnomasi» va «Sug'urta polisi» havolalari bundan buyon matnda mazkur elektron hujjatga nisbatan bir xil ahamiyatga ega bo'ladi.

1. UMUMIY QOIDALAR

1.1. Mazkur qoidalar Sug'urta faoliyatini tartibga soluvchi O'zbekiston Respublikasining amaldagi Qonunlari hamda “KAFIL SUG'URTA” Aksiyadorlik Jamiyati Ustaviga muvofiq ishlab chiqilgan bo'lib, baxtsiz hodisa natijasida sog'liqning qattiq shikastlanishi yoxud shuning natijasida vafot etgan taqdirda Sug'urtalangan shaxsga Sug'urta summasi doirasida sug'urta to'loni to'lanishini

ta'minlovchi O'zbekiston Respublikasi Moliya Vazirligining tomonidan berilgan Litsenziyasi asosida I-klassga oid Sug'urta turi hisoblanadi.

1.2. Mazkur qoidalar shartlari asosida Shaharlararo yo'nalishda qatnovchi avtobus yo'lovchilar bo'lgan O'zbekiston Respublikasida doimiy yashaydigan muamala layoqatiga ega fuqarolar, chet el fuqarolari va fuqaroligi bo'lmagan shaxslarni baxtsiz hodisalardan ehtiyot shart sug'urta qilish bo'yicha sug'urta shartnomasi tuzilishi mumkin.

1.3.Mazkur Ofertada ishlatiladigan atamalar mazmuni:

Sug'urtalovchi	O'zbekiston Respublikasi Moliya Vazirligi tomonidan berilgan Litsenziya asosida ish olib borayotgan "KAFIL SUG'URTA" AJ va uning nomidan harakat qiluvchi hududiy filiallari;
Sug'urta qildiruvchi	Sug'urtalovchi bilan Sug'urta shartnomasini tuzgan O'zbekiston Respublikasining muomala layoqatiga ega bo'lgan fuqarolari, O'zbekiston Respublikasida doimiy yashaydigan chet el fuqarolari, fuqaroligi bo'lmagan shaxslar hamda O'zbekiston hududida faoliyat ko'rsatayotgan yuridik shaxslar;
Sug'urtalangan shaxs	Sug'urtalovchi bilan sug'urta shartnomasini tuzgan shaharlararo yo'nalishda qatnovchi muomala layoqatiga ega bo'lgan avtobus yo'lovchilari;
Sug'urta polisi	Yagona avtomatlashtirilgan axborot tizimi tomonidan real vaqt rejimida shakllantirilgan seriya, raqamiga ega bo'lgan sug'urta qilish amalga oshirilganligini tasdiqlovchi hujjat;
Sug'urta shartnomasi	Sug'urtalovchi bilan Sug'urta qildiruvchi o'rtasida tuzilgan ularning huquqlari, majburiyatlari va javobgarliklari to'g'risidagi bitim (Sug'urta polisi) ;
Sug'urta mukofoti	Sug'urta shartnomasida belgilangan tartib va muddatda Sug'urtalovchiga Sug'urta qildiruvchi (yo'lovchi) to'lashi shart bo'lgan mablag';
Sug'urta summasi	Sug'urtalovchi sug'urta shartnomasi bo'yicha javobgarlikni uning chegarasida olib boradigan va uni miqdoridan kelib chiqqan holda sug'urta mukofoti va sug'urta to'voni miqdori aniqlanadigan sug'urta shartnomasida belgilanadigan pul mablag'i;
Sug'urta to'voni	Sug'urta hodisasi yuz berganda Sug'urtalangan yoki manfaatdor shaxsga Sug'urtalovchi tomonidan Sug'urta summasi doirasida to'lanadigan pul;
Sug'urta muddati	Sug'urta shartnomasi yoki polisining amal qilish muddati 1 (bir) kundan 15 (o'n besh) kungacha;
Sug'urta hodisasi	Shaharlararo yo'nalishda qatnovchi avtobus bilan bog'liq bo'lgan yo'l – transport hodisasi, yoki tabiiy ofatlar natijasida Sug'urtalangan shaxs ya'ni yo'lovchining sog'lig'iga zarar yetishi yoki uning oqibatida vafot etishi;
Yo'l-transport hodisasi (YTH)	Avtotransport vositasining (urilishi, sirg'alishi, yonib ketishi, turli jixozlarga urilib ketishi, qulashi) harakatlanish yoki noharakat vaqtlarida zararlanishi;
Sug'urta syurveyeri	Sug'urta shartnomasi tuzilguniga qadar sug'urta ob'ektini ko'zdan kechirish va tekshirish, barcha faktlarni va tavakkalchilik holatlarini tahlil qilish, tavakkalchilik darajasini aniqlash, tekshirilayotgan sug'urta

	ob'ekti bo'yicha xulosa tuzish xizmatlarini ko'rsatuvchi, o'z mutaxassislariga ega bo'lgan jismoniy shaxs;
Adjaster	Sug'urtalovchining (Sug'urta qildiruvchining) topshirig'i bo'yicha O'zbekiston Respublikasi "Sug'urta faoliyati to'g'risida"gi Qonuniga asosan Sug'urta hodisasi yuz berganidan keyin sug'urta ob'ektini ko'zdan kechirish va tekshirish, faktlarni va tavakkalchilik holatlarini tahlil etish, sug'urta ob'ektining shikastlanish sabablarini va sug'urta hodisasi mavjudligini aniqlash, Sug'urta hodisasi oqibatida vujudga kelgan shikastlanish darajasi va zarar miqdorini belgilash, to'lanishi kerak bo'lgan Sug'urta to'voni summasini aniqlash, hodisa bo'yicha xulosa tuzish xizmatlarini ko'rsatuvchi, o'z mutaxassislariga ega bo'lgan yuridik shaxs;
Manfaatdor shaxs	Sug'urtalangan shaxs vafot etgan taqdirda Sug'urta pulini olish uchun tayinlangan shaxs;
Sug'urta hududi	O'zbekiston respublikasi;
Tabiiy ofatlar	Yer qimirlashi, suv toshqini, bo'ron, to'fon, sel, qor ko'chishi.

2. SUG'URTA SUBYEKTI

Sug'urtalovchi bilan Sug'urta shartnomasini tuzgan muomala layoqatiga ega bo'lgan O'zbekiston Respublikasida doimiy yashaydigan fuqarolar, chet el fuqarolari va fuqaroligi bo'lmagan hamda O'zbekiston Respublikasi hududida faoliyat ko'rsatayotgan yuridik shaxslar Sug'urta subyekti hisoblanadi.

3. SUG'URTA OBYEKTI

Sug'urtalangan shaharlararo yo'nalishda qatnovchi avtobus yo'lovchilar bo'lgan O'zbekiston Respublikasida doimiy yashaydigan muamala layoqatiga ega fuqarolar, chet el fuqarolari va fuqaroligi bo'lmagan shaxslarning hayoti va sog'lig'iga bog'liq qonunlarga zid kelmaydigan mulkiy manfaatlari Sug'urta obyekti hisoblanadi.

4. SUG'URTA HODISASI

4.1. Quyidagilar sug'urta hodisasi hisoblanadi:

a) Shaharlararo yo'nalishda qatnovchi avtobus bilan bog'liq bo'lgan yo'l-transport hodisasi yoki tabiiy ofatlar natijasida Sug'urtalangan yo'lovchilarning xohish irodasiga bog'liq bo'lmagan Sug'urtalangan yo'lovchilarning tanasi jarohatlanishi, tana a'zolarining ishlash funksiyasi o'zgarishi sog'lig'iga zarar yetishi yoki uning oqibatida vafot etishi;

b) avtobuslarning ag'darilishi yoki ularning xarakatidagi yo'l-transport hodisalarida olingan jarohatlar;

v) tasodifan suyak sinishi, chiqishi, kuyishi (jarohatlanishi yoki vafot etishi);

g) tabiiy ofatlar (er qimirlashi, suv toshqini, bo'ron, to'fon, sel, qor ko'chishi) natijasida olingan jarohatlar yoki uning oqibatida vafot etishi.

4.2. Quyidagilar sug'urta hodisasi hisoblanmaydi:

a) Sug'urta qildiruvchining qasddan qilgan harkatlari;

b) Kasallikning barcha turlari, shu jumladan infarkt va insult;

v) Avtobus bilan aloqador bo'lmagan holatlarda Sug'urta qildiruvchi (yo'lovchilar)ning sog'lig'iga zarar yetishi yoki vafot etishi;

g) yadro portlashi, radiatsiya va radiaktiv nurlanish, zaharlanish;

d) Sug'urta qildiruvchining xarbiy xarakatlar, fuqarolar urushi, xalq ko'tarilishlarida faol ishtiroki, shuningdek Sug'urta qildiruvchining xarbiy xizmat, mashqlar o'tayotgan davrida olingan jarohatlari yoki o'lim;

5. SUG'URTA SHARTNOMASINI TUZISH TARTIBI VA MUDDATI

5.1.1. Mazkur sug'urta shartnomasi Sug'urtalovchi tomonidan Sug'urta qildiruvchiga sug'urta xizmatlarini sotish va ko'rsatish shartlarini belgilaydigan elektron hujjat bo'lib hisoblanadi;

5.1.2. Sug'urta shartnomasi (sug'urta polisi) Sug'urta qildiruvchi tomonidan Sug'urtalovchiga axborot tizimlaridan foydalangan holda takdim etilgan ma'lumotlar asosida shakllanadi;

5.1.3. Sug'urta qildiruvchi elektron arizaning to'ldirilishi shart bo'lgan kataklarini mustaqil va arizada ko'rsatilgan hujjatlarning aslidagi ma'lumotlarga qat'iy muvofiq holda to'ldiriladi;

5.1.4. Sug'urta qildiruvchi arizada ko'rsatilgan hujjatlarning ishonchliligi va asliga to'g'ri ekanligi uchun zimmasiga javobgarlikni oladi, shuningdek arizada ko'rsatilgan hujjatlarni ularning asliga muvofiq bo'lmaganida sug'urta hodisasi yuz bergan taqdirda, Sug'urtalovchi sug'urta to'lovni to'lashni rad etish huquqiga ega ekanligiga rozi bo'ladi;

5.1.5. Arizada ko'rsatilgan va unga kiritilgan hujjatlarning ma'lumotlari avtomatik ravishda Sug'urta shartnomasiga (Sug'urta polisi) kiritiladi.

5.1.6. Sug'urta qildiruvchi Sug'urtalovchining axborot tizimi yordamida sug'urta summasini mustaqil aniqlaydi, Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi hamda Sug'urta qildiruvchi sug'urta mukofotining shakllantirilgan summasiga rozi bo'lgan taqdirda, uni to'lashga qadar Sug'urta qildiruvchi mazkur Qoida matni bilan tanishish majburiyatini oladi.

5.1.7. Qoidada taklif qilinadigan sug'urta shartlariga rozi bo'lgan taqdirda, Sug'urta qildiruvchi Sug'urtalovchining axborot tizimida o'z roziligini tasdiqlaydi va Sug'urta shartnomasini tuzish uchun arizani (bundan buyon matnda Ariza deb yuritiladi) Sug'urtalovchining axborot tizimidan foydalangan holda onlayn tarzda to'ldirishga kirishadi.

5.1.8. Arizani to'ldirishda Sug'urtalovchi uchun sug'urta hodisasi yuz berishi ehtimolini aniqlashda muhim ahamiyatga ega bo'lgan barcha zarur ma'lumotlarni va sug'urta hodisasi yuz berishidan ko'rilishi mumkin bo'lgan zararlar miqdorini (sug'urta tavakkalchiligini) ko'rsatish talab qilinadi. Barcha ma'lumotlar hujjatlarning asliga qat'iy muvofiqlikda ko'rsatilishi kerak.

5.1.9. Ariza to'ldirilganidan keyin, Sug'urtalovchining axborot tizimi tomonidan «Sug'urta mukofotini to'lash va Sug'urta polisini rasmiylashtirish» tugmasidan foydalanishga avtomatik tarzda ruxsat beriladi.

5.1.10. Sug'urta shartnomasi taraflari Sug'urta qildiruvchi tomonidan Sug'urta polisining olinishi Sug'urta shartnomasi (Sug'urta polisi) lozim darajada imzolanganligini tasdiqlaydi.

5.1.11. Sug'urta qildiruvchining Sug'urta mukofotini to'laganligi fakti Sug'urtalovchining axborot tizimi tomonidan tasdiqlangan sana mazkur Ommaviy oferta aksept qilingan va Sug'urta shartnomasi tuzilgan sanadir.

5.2. Sug'urta shartnomasi (polislari) bo'yicha to'lovni amalga oshirish tartibi:

5.2.1. Sug'urta shartnomasi (polisi) bo'yicha to'lovni amalga oshirish Sug'urtalovchi tomonidan qo'llaniladigan axborot (onlayn) tizimlaridan foydalangan holda amalga oshiriladi;

5.2.2. To'lov tizimining himoyalangan kanaliga keyingi qayta yo'naltirish uchun ariza qabul qilinganligini tasdiqlash Sug'urtalovchi tomonidan Sug'urta qildiruvchi arizani to'ldirayotganida ko'rsatib o'tgan mobil telefon raqamiga SMS-xabarni jo'natish yo'li bilan amalga oshiriladi;

5.2.3. SMS-xabar tasdiqlash kodi bilan birga olinganidan keyin Sug'urta qildiruvchi elektron to'lov tizimini tanlashi zarur, undan keyin u sug'urta mukofotining hisoblangan summasini Sug'urtalovchining hisob raqamiga o'tkazish uchun tanlangan to'lov tizimining saytiga avtomatik tarzda qayta yo'llanadi;

5.2.4. Sug'urta polisi uchun sug'urta mukofoti to'langanligi haqidagi tasdiq olinganidan keyin Sug'urtalovchining axborot tizimi Sug'urta polisini rasmiylashtirishni elektron shaklda avtomatik tarzda amalga oshiradi, Sug'urta qildiruvchining kiritgan telefon raqamiga Sug'urta polisining seriyasi, raqami va Sug'urta polisi elektron tarzda jo'natilganligi fakti haqidagi ma'lumotlarni ichiga olgan SMS-xabar jo'natilishi yo'li bilan Sug'urta qildiruvchini xabardor qiladi. SMS xabarda sug'urta polisini yuklab olish imkonini beruvchi havola mavjud bo'ladi.

5.2.5. Sug'urtalovchi to'lov provayderining harakatlari/harakatsizligi uchun, shuningdek Sug'urta qildiruvchining elektron to'lovlar tizimi va internet orqali to'lash bilan bog'liq zararlari va tavakkalchiliklari uchun javobgar bo'lmaydi.

5.2.6. Sug'urta mukofotini bank kartasi bilan to'lash bevosita Sug'urta qildiruvchi (Naf oluvchi) - karta egasi tomonidan amalga oshirilishi kerak. Agap Sug'urta qildiruvchi bank kartasini to'lov to'lash uchun boshqa shaxsga bergan bo'lsa, Sug'urta qildiruvchi bu bilan bog'liq barcha tavakkalchiliklarni o'z zimmasiga oladi va mazkur holatda sug'urta mukofotini to'lash Sug'urta qildiruvchi tomonidan amalga oshirilgan deb hisoblanishiga rozi bo'ladi.

5.2.7. Sug'urtalovchining axborot tizimida «Sug'urta mukofotini to'lash va Sug'urta polisini rasmiylashtirish» tugmasini bosish bilan, shuningdek shakllantirilgan sug'urta mukofotini to'lagan holda Oferta yo'llangan shaxs O'zbekiston Respublikasi Fuqarolik kodeksining 370-moddasiga muvofiq mazkur Qoida shartlariga rozi ekanligini bildiradi.

5.3. Sug'urta qildiruvchi (yo'lovchi) Sug'urta shartnomasi (Sug'urta polisi)ning shaharlararo avtobus shoxbekatidan yo'nalishi bo'yicha shohbekatga borib yetgunga qadar sug'urtalangan hisoblanadi. Sug'urta hududi O'zbekiston respublikasi hududi hisoblanadi.

6. SUG'URTA SUMMASI, SUG'URTA MUKOFOTINI TO'LASH TARTIBI

6.1. Sug'urta qildiruvchi Sug'urtalovchining axborot tizimi yordamida sug'urta summasini mustaqil aniqlaydi, uning eng kam miqdori 20 000 000,00 (yigirma million) so'm miqdorida bo'ladi. Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi.

6.2. Sug'urta tarifi Sug'urtalangan shaxsning shaharlararo avtobus shoxbekatidan yo'nalishi bo'yicha shohbekatga borib yetgunga qadar davri uchun 0,03 foiz miqdorida belgilanadi.

6.3. Sug'urta mukofoti to'lovi Sug'urta qildiruvchi (yo'lovchi) tomonidan Sug'urtalovchiga bank kartasi bilan bevosita karta egasi tomonidan amalga oshiriladi. Sug'urta mukofotini Sug'urtalovchiga Agap Sug'urta qildiruvchi bank kartasini to'lov to'lash uchun boshqa shaxsga bergan bo'lsa, Sug'urta qildiruvchi bu bilan bog'liq barcha tavakkalchiliklarni o'z zimmasiga oladi va mazkur holatda sug'urta mukofotini to'lash Sug'urta qildiruvchi tomonidan amalga oshirilgan deb hisoblanishiga rozi bo'ladi. Sug'urta mukofoti qo'shimcha qiymat solig'isiz hisoblanadi.

7. SUG'URTA SHARTNOMASI (SUG'URTA POLISINI) KUCHGA KIRISHI VA UNI BEKOR BO'LISHI

7.1. Sug'urta mukofoti to'langanda Sug'urta shartnomasi (Sug'urta polisi) kuchga kiradi.

7.2. Sug'urta shartnomasi quyidagi hollarda bekor bo'ladi:

- Sug'urtalangan shaxsning yo'nalishi bo'yicha shohbekatga borib yetganda;
- Sug'urta tovonii to'liq to'langanda;
- Sug'urtalangan shaxs vafot etganda.

8. TOMONLARNING HUQUQ VA MAJBURIYATLARI

8.1. Sug'urta qildiruvchi (yo'lovchi)ning huquqlari:

- a) Sug'urtalovchidan Sug'urta polisi shartlari bo'yicha maslahat olish;
- b) Sug'urta tovonini (Sug'urta pulini) olish;
- v) Sug'urtalovchining sug'urta tovonini yoki sug'urta pulini to'lashni rad etganda unga nisbatan sudda da'vo qo'zg'atish yo'li bilan e'tiroz bildirishi.

8.2. Sug'urta qildiruvchi (yo'lovchi)ning majburiyatlari:

- a) Sug'urta qildiruvchi shaharlararo avtobusga shoxbekatdan chipta olish vaqtida sug'urta mukofotini to'lash;
- b) Sug'urta qildiruvchi (yo'lovchi) Sug'urta polisi bo'yicha sug'urta hodisasi yuz berganda, Sug'urta hodisasi sodir bo'lgan kundan boshlab 3 (uch) kun ichida Sug'urtalovchini xabardor qilish;
- v) zarur hollarda jabrlangan yo'lovchining sog'lig'ining holatini tekshirishga va kasallik tarixini o'rganishga Sug'urtalovchiga qarashli shifokor-ekspertga ruxsat berish.

8.3. Sug'urtalovchining huquqlari:

- a) Sug'urta qildiruvchi (yo'lovchi) Sug'urta shartnomasi tuzilgandan so'ng Sug'urtalovchiga bila turib (sog'liq va Sug'urta xavfiga oid) yolg'on ma'lumotlar berganligi aniqlansa, Sug'urtalovchi shartnomani (Sug'urta polisini) haqiqiy emas deb topish;

b) Sug'urtalovchi o'ziga qarashli shifokor-ekspertni jabrlangan Sug'urtalangan shaxsning sog'lig'ini holati va kasallik tarixini o'rganish uchun yuborish;

v) Sug'urtalovchi Sug'urta hodisasi yuzaga kelishida aybdor shaxslarga nisbatan to'langan sug'urta pulini undirish uchun sudda da'vo qo'zg'atish.

8.4. Sug'urtalovchining majburiyatlari:

a) Sug'urta qildiruvchi (yo'lovchi) ni sug'urta Qoidalarida bilan tanishtirish;

b) Sug'urta qildiruvchiga (yo'lovchiga) Sug'urta mukofoti naqd pulda yoki pul ko'chirish yo'li bilan to'langandan so'ng Sug'urta polisini yozib berish;

v) Sug'urta hodisasi ro'y berganda Sug'urta qildiruvchiga (yo'lovchiga) sug'urta Qoidalarida hamda Qonunchilikda belgilangan muddatda va tartibda to'lov komissiyasi bayonnomasi bilan sug'urta hodisasi tan olingandan keyin 5 ish kuni ichida Sug'urta tovonini amalga oshirish;

g) Sug'urta tovonini (Sug'urta puli) to'lovi rad etilganda Sug'urta qildiruvchi (yo'lovchi)ga yozma ravishda xabar qilish.

9. TOMONLARNING JAVOBGARLIGI

9.1. Mazkur Qoidalar asosida tuzilgan Sug'urta shartnomasi shartlarini bajarmaganlik yoki kerakli darajada bajarmaganlik uchun Tomonlar O'zbekiston Respublikasining amaldagi qonunchiligiga muvofiq javobgarlikka tortiladi.

10. SUG'URTA TOVONI TO'LASH TARTIBI

10.1. Sug'urta hodisasi bo'yicha hodisa tufayli to'lanadigan Sug'urta tovonini "KAFIL SUG'URTA" AJ tomonidan tasdiqlangan "Baxtsiz hodisalardan ehtiyot shart sug'urta qilishning barcha turlaridan Sug'urta hodisasi natijasida tan jarohati olishi bo'yicha sug'urta puli miqdorini aniqlash jadvali" ga asosan aniqlanadi.

10.2. Sug'urtalangan (yo'lovchi yoki manfaatdor) shaxs Sug'urta hodisasi bo'yicha Sug'urta tovonini olish uchun Sug'urta hodisasi ro'y bergan kundan boshlab 3 kun ichida Sug'urtalovchiga da'vo ariza va quyidagi hujjatlar bilan murojaat qiladi:

- Sug'urta polisi;
- IIB YHXB bo'limining avtoxalokat sabablarini bildirgan xulosasi;
- Sug'urta hodisasini tasdiqlovchi tibbiy muassasaning tasdiqlangan ma'lumotnomasi;
- Sug'urta qildiruvchi (yo'lovchi vafot etganda) FHDYo idorasi tomonidan berilgan o'limi to'g'risidagi guvohnomasining nusxasi;
- Manfaatdor shaxsning pasport nusxasi;
- Notarial idorasi tomonidan berilgan vorislik huquqi to'g'risidagi guvohnomasining nusxasi, zarur hollarda tergov tashkilotlarining hujjatlari taqdim etiladi.

10.3. Sug'urtalovchi berilgan hujjatlar asosida Sug'urta hodisasi ro'y berganligi yoki bermaganligi haqida qaror qabul qiladi. Sug'urta hodisasi tasdiqlanganda Sug'urta tovonini miqdorini belgilaydi.

Sug'urta hodisasi tasdiqlanmagan holatlarda Sug'urtalangan shaxs (Manfaatdor shaxs)ga xat yozilib, unda Sug'urta hodisasi tasdiqlanmaganligi va uning sabablari to'liq bayon etiladi.

10.4. Sug'urtalangan shaxsning yumshoq to'qimalari, qulog'i, ko'zi, siydik yo'llari, jinsiy a'zolari shikastlanganda Sug'urtalovchi shikastlanish oqibatlarini aniqlash maqsadida uni tibbiy ko'rikdan o'tkazish uchun mutaxassis shifokor huzuriga yuborishi lozim.

Da'vo ariza bilan Sug'urta polisi, zarur hollarda rentgen surati, tergov tashkilotlarining hujjatlari va boshqalar ilova qilinadi. Rentgen suratida Sug'urtalangan shaxsning ismi, sharifi, yoshi va tekshirilgan kun, tekshiruv raqami ko'rsatilgan yozuv bo'lishi kerak.

10.5. Sug'urta tovonini dalolatnoma imzolangan kundan boshlab 3 bank kuni ichida Sug'urtalangan shaxs (Manfaatdor shaxs)ning bankdagi omonat daftarchasiga, so'mlik plastik kartochka hisob raqamiga uning yozma arizasiga binoan pul o'tkazish yo'li bilan to'lanadi.

Sug'urtalovchi Sug'urtalangan shaxs (Manfaatdor shaxs)dan Sug'urta tovonini to'lash to'g'risidagi arizani olgan kunining o'zida jurnalga qayd qiladi (alohida har bir to'lov turi bo'yicha), ya'ni:

- Sug'urtalangan shaxsning vafoti tufayli;

- mehnat layoqatini yo'qotish (sog'liqqa zarar yetishi) munosabati bilan to'lanadigan to'lovlar alifbo tartibida jurnalda yuritilishi lozim.

Umumiy to'langan Sug'urta to'lovi miqdori Sug'urta summasidan oshmasligi kerak.

11. NIZOLARNI KO'RIB CHIQISH TARTIBI

Mazkur Qoidalar asosida tuzilgan Sug'urta shartnomasi (Sug'urta polisi) bo'yicha Sug'urtalovchi va Sug'urta qildiruvchi (yo'lovchi) o'rtasida kelib chiqqan barcha nizolar o'zaro kelishuv orqali, kelishish imkoni bo'lmagan holatlarda O'zbekiston Respublikasining amaldagi Qonunlarida belgilangan tartibda ko'rib chiqiladi.

12. OFERTANING KUCHGA KIRISH TARTIBI

12.1. Mazkur Oferta "KAFIL-SUG'URTA" AJ Boshqaruv raisi tomonidan tasdiqlangan kundan boshlab kuchga kiradi.

12.2. Mazkur Ofertaga qo'shimcha va o'zgartirishlar kiritish "KAFIL-SUG'URTA" AJ Boshqaruv raisi buyrug'i bilan amalga oshiriladi.